

Whakamāramatanga:

Te whakatinana i te mahi whakahaerenga kōtuinga hou mō ngā ratonga kura kōhungahunga

Te mahi whakahaerenga kōtuinga hou

Atu i te 1 o Ākuhata 2022 mēnā e hiahia ana koe ki te whakahaere i tētahi raihana kura kōhungahunga hou me rapu e koe te whakaaetanga whakahaerenga kōtuinga mai i te Minita Take Mātauranga i mua i tō tono raihana.

Kei roto te whakaaetanga mō te whakahaerenga kōtuinga i ngā wāhanga 17 me te 18 o te Ture Mātauranga me te Whakangungu 2020 (te Ture).

E rua ngā wāhanga hira ki te whakahaerenga kōtuinga me mātua whakaatu te kaitono:

1. Kei reira te hiahia mō tētahi momo ratonga hou me te wāhi e whakaratoa ana e koe
2. He tōtika koe, ā, e tika ana me te tūturu, ka taea te tuku ratonga, me te aha he rawaka o pūtea.

Ngā kaupapa hei whakatinana i te mahi whakahaerenga kōtuinga hou mō ngā ratonga kura kōhungahunga

Kei te rapu mātau i ō whakaaro mō ngā kaupapa tāpiri e whai ake hei āwhina ki te whakatau i ngā taipitopito katoa mō te whakahaerenga kōtuinga. E hiahiatia ana ētahi o ēnei kaupapa i te mea kei roto i te whakatinanatanga o ngā whakaratonga onāiane i roto i te Ture, ā, he hou ētahi hei tautoko i tētahi pūnaha whakahaerenga kōtuinga kakama ake, whaitake ake.

Kaupapa marohi

Whakaahuatanga

1. Ngā Tauākī ā-Motu, ā-Rohe hoki

Ka whakarārangi te whakaputanga o Ngā Tauākī ā-Motu, ā-Rohe hoki i ngā kaupapa matua rautaki mā te kāwanatanga, e tautuhi ana i ngā wāhi kāore i te tino rato me te tuku mōhiohio tāpiri mō ngā whakaritenga ā-ture. E tautoko ana Ngā Tauākī i ngā kaitono kia mōhio ai ki ngā wāhi e hiahiatia ana ngā ratonga hou.

2. Te Tiriti o Waitangi

Ko tētahi o ngā kaupapa o te Ture Mātauranga me te Whakangungu 2020 he "whakatū me te whakarite i tētahi pūnaha mātauranga e whakahōnore ana i Te Tiriti o Waitangi me te tautoko i ngā whanaungatanga Māori-Karauna." Ko ngā kaupapa matua o ā mātau kaupapa tuatahi:

- he tātari i te whakaritenga o ngā ara reo Māori onāiane i roto i ngā kura kōhungahunga
- kia whakatūria ētahi ratonga kura kōhungahunga ā-lwi hou me ngā ratonga rumaki reo Māori hou anō hoki me ngā , pērā i te kōhanga reo)
- ngā pānga o te Māori i roto i ētahi tono ake kia whakaaetia, hei tauira, mēnā kei raro ēnei i ngā whakaaetanga whakataunga Tiriti.

3. Ngā huringa ki te tika me te tūturu

Ko ngā huringa ki te aromatawai i te tika me te tūturu ko te whakarite kei te ōrite ki ētahi atu rāngai me te hāngai ki ngā tikanga pai rawa. E hiahiatia ana mō ngā huringa e marohitia ana:

- te mārāma mēnā e hāngai ana te tika me te tūturu ki te kaitono me ia tangata e whai wāhi ana ki te whakahaere o te ratonga e marohitia ana
- kia whakaarohia ngā whiu ā-ture katoa o te kaitono me ngā mema o te rōpū whakahaere e hāngai ana ki te tuku i tētahi ratonga kura kōhungahunga
- kia whai whakaarohia ngā whiu ā-ture hāngai o tētahi whakahaere i whai wāhi atu tētahi kaitono, tētahi o te rōpū whakahaere rānei.

4. Te tātari i te tūnga pūtea me te hītori raihana	<p>I raro i te Ture Mātauranga me te Whakangungu e herea ana te Minita Take Mātauranga kia whai whakaaro ki te tūnga pūtea me te hītori raihana i roto i te aromatawai whakahaerenga kōtuinga.</p> <p>E marohi ana kia tonoa ngā mōhiohio pūtea, he mahere pakihiki hoki/rānei hei whakaatu ka pēhea te whiwhi i ngā pūtea rawaka kia riro mai ai he raihana.</p> <p>Mō te hītori raihana, me tonu i tētahi rārangi o ngā ratonga e whakahaerehia ana e te kaitono, i whai tūranga rānei hei mema poari.</p>
5. Te kaha ki te whakarato i te ratonga	<p>Ka herea e tēnei whakaritenga kaha hou kia whai whakaaro te Minita ki ngā take pērā i te mārama o te kaitono ki te pou tarāwaho ture mō ngā ratonga kura kōhungahunga me ngā pūkenga tauwhāiti hei whakarato i te momo ratonga e marohitia ana e te kaitono.</p>
6. Te whakatau i ngā here	<p>Mā te whakauru mai i ngā here ki tētahi whakaaetanga whakahaerenga kōtuinga ka tukuna e te Minita Take Mātauranga ka whakarite ka neke haere atu te kaitono ki te whiwhi raihana me te noho mōhio o te Tāhuhu ki te anga whakamua. Ka whakarārangi pea ēnei here i:</p> <ul style="list-style-type: none"> • ngā take tautoko kia whakaaetia e te kōtuinga pērā i te āhua, te rahinga rānei o te ratonga e marohitia ana me te wāhi (mēnā e mōhiohia ana) • tētahi whakaritenga ki te tuku whakamārama haere ki te Tāhuhu mō ngā tohu hira me te anga whakamua • he whakaritenga kia whakamōhiohia atu ngā huringa nui ki ngā āhuatanga. <p>Ki te kore e tutuki ngā āhuatanga ko te mutunga atu pea ka whakakorehia te whakaaetanga ki te kōtuinga e te Minita.</p>
7. Te whakahē i ngā whakatau	<p>Ko te tikanga me āhei ngā kaitono ki te tautohe i tētahi whakatau ka whai pānga pea ki te ratonga hou e marohitia ana, ki te ratonga rānei e whakahaere ana te kaitono.</p> <p>E marohi ana mātau kia rua ngā ara motuhake hei tautohe i ngā whakatau:</p> <ul style="list-style-type: none"> • Ko ngā whakatau a te Minita Take Mātauranga kia kaua e whakaaetia he tonu mō te whakahaerenga kōtuinga ka taea anake te arotake mā te ara arotake ture onāiane • Ka āhei ki te pira ki te Kooti ā-Rohe e pā ana ki tētahi whakataunga a te Hekeretari o te Mātauranga kāore te kaitono i te tika me te tūturu, i te tika ā-pūtea rānei.
8. Ngā whakaroatanga	<p>E marohi ana mātau kia mārama ake mēnā ka mārama ake ngā kaitono i ngā whakaroatanga ki te whakaaetanga whakahaerenga kōtuinga. E marohi ana mātau kia whakaarohia anake ngā whakaroatanga mēnā:</p> <ul style="list-style-type: none"> • I pā mai he aituā ao tūroa ki te takiwā. • Mō ngā hangatanga hou, kua tata te oti o te whare, engari kua tōmuri e kore e taea te aha, ā, kei waho i ngā ringaringa o te kaitono (hei tauira, he tōmuri nō te whiwhi i ngā papanga hanganga). • Kei reira ētahi atu āhuatanga tino rerekē kei waho i ngā ringa o te kaitono (hei tauira, ka tino taruwekuhia te whare, te wāhi rānei).
9. Ngā Utu Whakaaetanga Kōtuinga	<p>Mō ngā tonu whakaaetanga ki te kōtuinga e marohi ana mātau i tētahi utu iti tata ki te \$500 (me te GST) kia kapi ai tētahi wāhanga o ngā utu ki te Minita Take Mātauranga me Te Tāhuhu o te Mātauranga ki te tiroiro i ia tonu. Ko tā te utu hoki he whakapāhunu i te tangata kia kaua e tuku tonu pupuri wāhi hei aukati pea i ētahi atu mai i te whiwhi whakaaetanga whakahaerenga kōtuinga.</p>

Me pēhea te tuku i ō whakaaro

Mō tētahi kape o te tuhinga matapakinga whānui mō te whakatinana i te mahi whakahaerenga kōtuinga mō ngā ratonga akoranga tōmua, haere ki [Kōrero Mātauranga](#). Mēnā kei te hiahia koe ki te tuku urupare mō ngā kaupapa i runga ake, ka taea anō e koe te whakaoti tētahi rangahau i [consultation.education.govt.nz](https://www.consultation.education.govt.nz).

Ka taea anō te tuku tētahi tāpaetanga ā-tuhi āmiki atu ki Earlylearning.Regulatoryreview@education.govt.nz ki tēnei wāhi poutāpeta rānei:

Early Learning Regulatory Review
Te Tāhuhu o Te Mātauranga
Pouaka Poutāpeta / PO Box 1666
Te Whanganui-a-Tara / Wellington 6140

Kei te hiahia Te Tāhuhu o Te Mātauranga i ngā whakaaro mō tēnei i mua o te **13 o Oketopa 2021**.

Mēnā he pātai āu mō te tuku i tētahi tāpaetanga kōrero, kei te hiahia mōhiohio atu anō rānei, īmēra atu ki Earlylearning.Regulatoryreview@education.govt.nz